



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Ira, alijq[ue] affectus & modi, quibus abortus efficiuntur.

**urn:nbn:de:hbz:466:1-45686**

lore mque natium obruant. Vnde indigestum quoque & crudum alimentum ad foetum deriuari sit necesse. Quaedam ita saginant sese, vt nescias, quid de ijs sit censendum, pinguis vocare debeas, an praegnantem? Abdomini natus, an natus daturus? Profecto antiquum illud experientia confirmat: *Steriliora cuncta pinguis, & in maribus, & in feminis.* Quare, non opus est, ad interimendam in utero prolem, haurire quassitum, apud Pharmacopolas, venenum, quotidianus istis cibis in venenum vertitur; quemadmodum & potus. Citatur à Nonio Marcello Varronis locus pro Cellio, vel Fundanio, de admirandis rebus, his verbis. *Vinum quod tibi natum sit, in quodam loco, si praegnantem biberit, fieri vt abortiatur.* Neque huic duntaxat vino inest haec vis. Omne vinum, & vel maxime generosa illa ex Hispanijs, Creta, & calidioribus vineis petita, dum nimium siccant, vel matres steriles, vel prolem faciunt abortiuam, si auidius intemperantiusque bibantur. Noui feminam, quae Massico delectata, quinquies abortum eiecit; postquam autem illud, consilio medicorum desijt bibere, coepit parere. Itaque *in vino luxuria est, & fertilitas vitiorum, non liberorum.* *Va, igitur, qui consurgitis mane ad ebrietatem sellendam, & potandum usque ad vesperam, vt vino esuetis.* Vituperabilis est ebrietas, in omni homine; quia sopit rationem, quae hominem à pecude discriminat: sed in femina etiam detestabilis est; quippe in ea, cum ratione, etiam extinguit pudorem, & fertilitatem. Quae non ex inuidia sexus à me dicuntur, sed vt ostendam sterilitates & abortus non trahendos esse, ad naturae Authorem accusandum; cum praecipua causa sint ipsi, qui de sterilitate conqueruntur.

Plin. lib. 11.  
Nat. hist. c.  
37.

Ephes. 5. 18.

VIII.

Nam tertium est, quod Aristoteles obseruat, in praegnantibus; ex cuius praescripto, eas mente, contra atque corpore, si diu remissiusque degere conuenit. Apparet enim, ait, quae gignuntur ad se ducere non parum, ab ea, quae in utero habet, pariter ac stirpes à tellure. Quamobrem, sicut, quae parere feliciter volunt, corpus debent exercere, ita etiam oportet eas animum habere tranquillum vacuumque à molestijs ac sollicitudine. Obest enim magnopere foetui, labijsque non parum affert, in

quarta

quem aliquid curarum ac molestiarum matris penetrat. Itaq; ægri tudines ac molestiæ longè pellendæ sunt à mulieribus vte- rum-ferentibus, præsertim cum iam partui propinquæ sunt; operaque potiùs danda, vt hilares sint ac iucundè viuant. Ita enim, vt è bona gleba, bonus fructus nascetur; quemadmo- dum prolem quoque afficit matris ægri tudo. Audiant hoc tri- stes, & quauis causâ irascentes Megæra; audiant mariti, qui prægnantes identidem contumelijs affligunt, & conuitijs ver- berant; nec rarò calcibus feriunt. Quis tunc foetum occidit? quis procurat abortiõnem? Deus, an parentes? Profectò ipsi parentes, qui & subitis terroribus, filium maturitatis incidunt; & sæpe etiam multa sibi imaginando, alijsq;ue rebus, præsertim femina, intempestiuum partum, exturbant: quarum pertur- batio maxima est, nolle lac præbere ijs, quos genuerunt; nolle molestias pati infantium; rugas cauere, timere dolorem par- tus. Ob quam rem, apud Satyricum, famina diuites & delica- tæ carpuntur; & hæc causâ ipsa indigitatur:

*Quod iacet aurato vix ulla puerpera lecto,  
Tantum artes huius, tantum medicamina possunt,  
Quæ steriles facit, atque homines in ventre necandos  
Conducit.*

Juuenal.  
sat. 16.

Quod posset sanè multis etiam alijs exemplis ostendi. Nam quædam plantas nõrunt; quædam odoribus fugant, quod me- tuunt; quædam, ne virginum gracilitatem amisisse videantur; ita ventrem atque latera arctè constringunt, vt necesse sit, fo- etum suffocari. Denique ferè tot sunt infantum occidendorum modi, quot ingenia perfidarum: quæ meritò possunt, cum Herode comparari; immo illius immanitati etiam anteferri. Herodes enim natos occidi iussit, illæ occidunt nondum natos: Herodes pueros duntaxat interemit, illæ pueros simul & puel- las interimunt: Herodes eos mactauit, qui erant in Bethlehem, & in omnibus finibus eius; illæ in toto orbe, hoc crimè patrant; Herodes infanticidia non sua, sed satellitum manu peregit; illæ sua manu, non aliorum, sed suos filios filiasq;ue è vita extur- bant. Quid ergo mortalium stultitia hîc tacet? cur non has mulieres ad hominum tribunal rapit, aut vocat ad diuinum?

Matth. 2. 16.

Quanquam